

1304. April 4.

72.

Johann, Graf von Holstein, teilt mit seinen Neffen Gerhard und Heinrich den Landesanteil seines Bruders Adolf für den Fall von dessen unbeerbtem Ableben.

In nomine patris et spiritus sancti amen vniuersis presencia visuris. Johannes dei gracia Comes holsacie et stormarie salutem in domino|| sempiternam, Cum temporum mutabilitas omnia immutat et ea que fiunt sub tempore simul euanescent cum tempore nisi scripto firmentur firmissimo, huius rei gracia tam presentibus quam futuris volumus esse notum, quod nos cum bona voluntate et mero|| consensu nostro, ac heredum nostrorum, dilectis patruelibus nostris Dominis Gerharδο et henrico Nobilibus Comitibus holsacie et in sco||wenborch eorum ueris heredibus de bonis fratris nostri dilecti adolfi Nobilis comitis holsatie et stormarie post mor||tem suam si ipsum comitem adolfum iam dictum sine prole legitima descendere contigerit. dimittimus et contulimus|| terras infrascriptas videlicet parrochiam trutowe. parrochiam w̄lensich, parrochiam steenbeke, parrochiam radolfstede,|| Insulam dictam bullenwerder et insulam dictam ossenwerder, cum omnibus iuribus et pertinenciis suis in terminis hactenus|| habitis et obtentis sicut dilectus noster Comes adolfus et nos habuimus et possedimus libere et pacifice iure here||ditario perpetualiter possidendas, tali apposita condicione, quod patruales nostri presertim scilicet Comites Gerhardus et hen||ricus ac heredes eorum a nobis et a nostris heredibus sint perpetuo separati, non valentes de cetero Ciuitatem hamborgh.|| aut reliqua bona fratris nostri sepedicti ratione impeticionis vel diuisionis attemptare, Ceterum pro dimissione et colla||tione terre prescripte, ad auxiliandum nobis contra quoslibet, qui nobis aut heredibus nostris preiudicium aut grauamen|| aliquod in bonis prefati fratris nostri inferre presumpserint, patruales sepedicti erunt et manebunt|| iugiter obligati, ad cuius rei euidentiam presencia fecimus sigilli nostri munimine roborari, presentibus dominis et sacerdo||tibus henrico preposito in porez thiderico et stephano capellanis nostris, Elero sacerdote de hadebodhe, Item militibus Dominis|| Marquardo dicto soldeer, Johanne dicto swin, Timmone dicto block, et henrico dicto de daam, Item Marquardo dicto catthes||croghe, et aliis quam pluribus fidedignis Datum et actum anno domini. M^o. CCC^o. quarto In die ambrosii episcopi.

Original im Geheimarchiv zu Kopenhagen. Siegel verloren. S. H. U. S. II. S. 9.